

越縵堂日記

第二十冊

桃攀聖解齋日記

壬集紀癸酉十二月

同治十一年癸酉冬十二月十三日丁亥曜風

校三國志

陳少章三國志辨誤

舉注文誤入正文者兩條一王肅傳評以王肅亮直多聞能析薪哉句止
下文劉寔以為肅方於事上而好下佞已云云乃裴氏注文與譙周傳評後
注引張璠以為云云正同一譙周傳末周子熙賢同少子同舉若廉除錫令
東宮洗馬召不就傳文已止下云周長子熙熙子秀字元秀乃裴氏注文下接
晉陽秋曰秀性清靜云云今本皆泐為正文其說甚確然尚不止是若郝原
傳末附張太字本先君子諱用范史例改用太龐迪張閼三人其文云是後大鴻臚鉅鹿張太
河南尹扶風龐迪以清賢稱永甯太僕東郡張閼以簡質聞傳文已
止其下云杜恕著家戒稱閼曰張子臺視之似鄙樸人云云乃裴氏注文閼

與太迪一例不容獨贅它人傳閣之語裴注婁引杜恕家成此固不辨可知也步騭傳末附其子闡降晉事云陸抗陷城斬闡等步氏祗滅惟瑯紹祀傳文已完其下云潁川周昭著書傳步騭及嚴畯等曰云其文甚長凡七百餘言且并及顧豫章卽諸葛使君謹張奮威承三人皆泛論其美辭指重皆全無事實必非承祚所取其它傳中絕無此例其末又附見周昭本末而目錄步騭傳下竝不出周昭姓名則本為注文無疑後人傳錄誤連之耳承祚史裁簡要類此可推

三國志辨誤三卷四庫目錄不著名氏各按錢氏廿二史攷異諸史拾遺所引陳氏景雲說

皆與之合文句亦同王肅傳評一條徐詳傳一條錢氏養新錄引陳少章說亦一字不異陳氏著文道十書僅刻四種故此書祇有鈔本提要因何義門讀者託引陳少章謂楊阜傳明帝被青綾半張袖袖疑衍字而此書無此一條遂以為非陳所著不知陳為義門弟子此條何氏又證以宋書五行志已著之讀者託中故陳氏削而不載且陳氏之書亦其子華中取門人于名者評識中錄出自有所遺故錢氏所引亦有此書所無者蓋提要未見錢氏書故也

夜二

夏時以為龐姬所忤肝气大發將就寢矣忽王信甫來言有事額面談出

晤之則址縣它語生久而亦收窺其意蓋不知間何人言予竊甚欲量有所助故妻問予歲事而予曰它語答之遂亦不敢發言也

邸鈔以察哈爾副都統杜夏爾署理烏理雅蘇臺參贊大臣

十四日戊子曜

吳蓉圃來

作書致陳鈞堂唁其兄喪

下午見

邸鈔以順天舉人徐景春磨勘事主司皆被議伯寅降二級調用伯寅

今春以戶部遺失行在印堂官皆革職畱任

伯創革畱者再獲處分即須革任則官職盡去矣

傷

晚步往詣之而閤者不內客因訪胡石查而歸徐景春著直隸遵化

人中第十九名為胡左都所取其策有七十曰英公之語蓋策題問曲禮曰

七十曰英公羊疏引作七十曰羣岐異之故景春讀作七十曰英公以羊疏為

人名此固可絕倒然近來鄉會中式如此者不可枚指北五省尤十之七八房

官主考既例不看策磨數者亦不及之此次房官陸編修懋宗以私屬磨勘官鴻臚寺少卿梁僧寶梁素懷即舉徐卷擯出之曰公羊二字拆開禮部侍郎黃倬欲繩以例則徐當斥革考官皆當嚴議全協按私請之禮部于是禮部議上徐斥革陸降一級留主考免議罰俸朝廷下吏部覈議尚書寶璽性愷又以其子放怒主司欲擠全而奪其位郎中某者夙與諸侍郎不平遂據律爭重潘四主司皆吏部侍郎也顧無如之何因為駁議移禮部禮部乃更議以上而諸公皆左降矣順天比歲科場多故庚午解元李鍾璜及第二名第十六名皆以鈔錄舊文雷同斥革主司房考亦皆議處京師首善崇庀文場亦非佳兆也

邱鈔

上諭禮部奏議結磨勘處分請旨更正並自行檢舉一摺本年順天鄉試中式舉人徐景春試卷文理荒謬經磨勘官簽出照例斥革正副考官同考官均有應得處分著照該部此次所議正考官全慶副考官胡家玉童華潘祖蔭均著降二級調用同考官著即行革職至此案正副考官同考官處分該部前奏辦理未能允協所有禮部堂司各官著交部分別議處

上諭郭柏蔭奏宿疾復發懇請開缺調理一摺郭柏蔭著准其開缺調理以湖南布政使吳元炳為湖北巡撫以湖南按察使涂宗瀛為布政使以前甘肅按察使崇福為湖南按察使

上諭常順奏參贊大臣任意妄為騷擾台站一摺據稱烏里雅蘇台參贊大臣
文奎自出傳單為由京帶來之藥商徐姓傳生馬杆車進口站時赴臺市游
蕩勒索兵丁木柴等語文奎身為參贊大臣宜如何潔己奉公以副委任似
此任意妄為實屬有玷官箴著交部嚴加議處即行開缺來京聽候部議
上諭給事中陳鴻翔奏順天各屬因災蠲免各項旗租銀兩請仍遵旨蠲緩
一摺據稱順天寶坻等縣各項旗租因本年秋禾被災奉旨蠲免分數風聞
內務府莊頭等仍向各縣民佃催索令照十分交納以致被賑災民將所領
銀兩折變交租甚至遷徙災民不敢歸里領賑請飭查辦等語著總管內
務大臣即查照從前被災之案核實辦理如查有該莊頭等任意逼索舞弊
營私等事即著從嚴懲辦毋稍徇隱

十五日己丑曜

作片致逸山約過談

作書致伯寅

閱陳喬樞禮

堂經說

傷午詣逸山址晤孺初雲髦快過^談至哺後而歸

得伯寅

書

寶卿來畱共夜飯後去

陳六舟來

族兄雅齋來乞謨

其母明年八十壽序

夜月甚佳有舊時意

郎鈔

以前成都將軍崇實為刑部尚書

吏部尚書寶璽兼翰林院掌院學士

以前烏里雅蘇臺將軍金順為正白旗漢軍都統

以刑部左侍郎賀壽慈為都察院左都御史以前禮部左侍郎殷兆鏞為吏

部右侍郎以內閣學士宋晉為戶部左侍郎兼管三庫事務以都察院左

副都御史劉有銘為刑部左侍郎

十六日庚寅

閱經義述聞

夜月甚佳讀楚辭天問

邱鈔

上諭金慶現在因案降調所有承修

善祥峪工程改派工部右侍郎宜振

敬辦理

上諭重華現在因案降調吏部右侍郎殷兆鏞著授奕詳奕謨讀仍兼

署兵部左侍郎

上諭前任陝西巡撫劉蓉前因剿賊失利降旨革職茲據王文韶奏劉蓉
於本年十月間在籍身故該員前在湖南湖北四川陝西等省曾著戰功
所有革職處分加恩開復

上諭王凱太奏籲懇陛見一摺王凱太著來京陛見福建巡撫著李鶴年兼署

十七日辛卯曜

閱經義述聞

同司廷愷郎中為子續娶送

分子二千

賞庠生長班年事二千

評泰工以青色油大門付錢

三千買春聯錢二千四百

夜因校經券甚讀柳記

郎鈔以內閣侍讀學士恒明為太僕寺少卿

十八日壬辰卯正一劾十分去舊明年正月節農露上午薄曜書

去舊勝帖

劉仙洲來乞撰鐫山師明年七十壽序

庭芷來

午後出門賀緘山師升少司寇不值詣譚研孫已返寓內城矣詣

鄧獻之董芸龕俱略荅拜吳蓉圃王信甫俱不值賀鄧鐵香擢

御史亦不值即歸

蔡枚菴約明日作東坡生日辭之換大門

春聯一曰何言漢樸學正似楚校官宋景文語也以篆書之一曰聖

代即今多雨露新春先便有好風光集高常侍白香山語也以隸書

之

郎鈔

上諭錢鼎銘奏命婦年屆百齡願懇恩施一摺原任漕運總督袁甲三之母現
任詹事府詹事袁保恒之祖母郭氏年屆百齡精神強固洵為熙朝人瑞加
恩賞給御書扁額一方以示殊榮所有例應旌賞之處仍著禮部核議具奏
上諭本月二十日仍親詣 大高殿祈雪時應官等仍分遣諸王

十九日癸巳曜上午大風起散霽

先本生王父生日供饋

潘星齋文

來 作書致寶卿

攷論語輒輒

當作

兩字皇疏邢疏言皆支離戴

東原釋車段懋堂說部文車部始分哲言之凌曉樓四書典故數原本戴

說疏之尤明蓋輓為大車高與轅所接之關鍵輓為小車衡與轡所接之關鍵皆僅咫尺之木非此則高衡與轅輶離而車不可行矣故召喻人之信召為交接之具也皇氏既誤以大車之高為輓以小車之曲輶為輓朱子沿之皇氏又誤以輓輓為高衡下之物曲木縛輓之物輓為輶輶為端曲扼拘同橫衡之物黃氏式三論語後案既取載說以輓輓為皆箸轅輶持衡之物通偏輶亦為轅高亦為衡而又牽引皇疏以說文革部之鞵當輓豈知鞵乃縛輓之柔革與輓何涉耶皇疏引鄭君注輓穿轅輶箸之輓因轅輶箸之蓋大車兩轅車廣六尺六寸則兩轅相去亦六尺六寸故顏為兩輓各穿其端以箸于高小車一轅則但為一輓因其端以箸于衡也鄭注本自明哲得寶卿復大風徹晝夜不絕

邱鈔

上諭給事中郭從矩奏禮部議結已革舉人徐景春一卷意為重輕顯違定

例據實糾參一摺著禮部堂官明白回奏

郭為翰林院引館監五年上諭考官不得因求免吏請轉取平庸庸劣之文又道光元年湖北舉人張衍豫首場文有犯禁之語詎竟由僅到會試科其卷以分開公筆二字較輕手引經誤文夢蕭為犯禁

二十日甲午曜大風晡後稍止

牧莊來

紫泉來

萼庭來

寶卿來偕牧莊萼庭共夜飯談至二更去

二十一日乙未曜

得伯寅書惠銀十二兩即復書謝

鄧鐵香來

鬢頭

周若丈約明日夜飲

二十二日丙申曜

此日溫經此事輟者二十餘年幾盡忘矣既苦多病又聞

召人事奈何

朱蓉生來寶卿來

換聽事及內室春聯二日檻曲

縈紅檐牙飛翠尊前柏葉騰裏金花集白石詞語少陵詩語也一日蛛

北燕郭山
西人亦來和
公羊為何如
對策為軍
認理自護
笑柄殊多
輕若臺年
雖意猶死
不勝三嘆
一至此乎

絲鑑花助我喜當啼燕語報新年集

劉文房詩也 伯晚

卦周荅丈之招坐有逸山廉生及光主事皮主事等數人荅丈出示新得
趙子昂楷書道德經全冊明人項墨林所藏 國朝歸桐城張侍郎若
需後歸成哲親王籤題匣題皆哲王手書後系呂跋以為絕代之寶
有乾隆御賞之印荅丈巨數十金得之初夏後歸

二十三日丁酉晨曜上午後放霽傍晚霽

譚研孫來

得王廉

生書贈端溪大研一方即復謝稿使若錢四千

賞金所館長班錢

二千 夜祀竈

郎鈔

上諭劉坤一奏遵旨據實覆奏一摺據稱查明胡家玉及其弟姪田畝歷年錢

糧實有未曾被災辦緩仍未完納者丁漕改章一案胡家玉曾貽該撫書
信茲非該撫先行致函等語胡家玉本籍田畝應完錢糧既未完納又將丁
漕改章一事致書地方官均屬不合降調左都御史胡家玉著交部議處
上諭現在肅州克復關內肅清已故廣東陸路提督劉松山前在甘肅督
兵剿賊卓著戰功嗣因遇伏捐軀業經得有三等輕車都尉世職著再
加恩賞一等輕車都尉世職以彰忠蓋

二十四日戊戌晨霽午後牧暉 鄧獻之來饋歲事三金獻之官貧
近復賦閒與予新交而殷勤如此可感也 牧莊來以許周生鑑止水
齋集為贈

二十五日己亥暉蘇有舊意 署吏送養廉銀十六兩來賞以車錢三

千 為吳蓉圖代作題畫七古一首即作書致之 下午自出市換銀
晤寶卿于涂即同至邑館小坐復邀寶卿至寓留共夜飯談至更
餘而去 賞邑館長班年事錢二千

二十六日庚子曜 終日閱左傳詒 召明日祀門行戶井之神料
檢牲醴果餌之屬又度歲饌糴之屬共費京錢四十千又付米錢
卅千 夜初爇洗浴三更後報賽歲神及五祀

二十七日辛丑曜上午有風而不寒甚條風至矣 予生日 縣三代
神位圖供蕢燭 祀財神求文章利市 殷萼庭饋饌麪

為壽犒其使者二千 作片致庭芷致逸山俱約過談 鄭鹿

門來 萼庭來 賞僕媼拜壽錢四千 倘晚詣逸山談至

夕歸 夜風

郎鈔刑部尚書崇實桑春榮吏部右侍郎殷兆鏞禮部右侍郎
徐桐俱充經筵講官內閣學士松淮景其濬俱充文淵閣直閣事
上諭諸事中邊寶泉奏稱胡家玉累次未完漕糧劉坤一宣漫無覺察
何以事歷多年概置不問胡家玉既有干預原籍諸事之信何以不立時
奏聞迨胡家玉條陳江西丁漕改章互相抵牾始行糾參藉端報復挾私
攻訐等語劉坤一手胡家玉本籍田畝未完漕糧當時並未奏參接胡家
玉信函後又不即時陳奏亦屬不合劉坤一著交部議處

上諭兵部奏遵議委散秩大臣處分一摺委散秩大臣施振接班遲誤著照部議革
去委散秩大臣仍罰俸四年